



UNIVERSITÄTS-
BIBLIOTHEK
PADERBORN

Universitätsbibliothek Paderborn

Symma Practica Theologiae Mysticae

Gelen, Victor

Coloniae Agrippinae, 1652

Septimvs Statvs Mysticus est Sanctorum Ecclesiae militantis. Decisio
Nona.

urn:nbn:de:hbz:466:1-9766

SEPTIMVS STATVS MYSTICVS
EST
SANCTORVM ECCLESIAE
MILITANTIS.

DECISIO NONA.

OMNIVM Sanctorum vitas hoc loco adducere oporteret, si singula, quæ ad mysticam pulchritudinem, ornatum, & varietatem faciunt, enucleatè, tractanda forent. & ideo arcana diuina studiosius prosequentes, ad illarum lectionem remittimus a non nullis duntaxat hoc loco allatis, quæ præcedentibus statibus, & in eis se exercentibus, lumen aliquod dare poterunt: ne temerè, & à dæmonio superbè illusi, sibiipsis, aut alijs facile gratiam sanctorum Viatorum persuadeant: ac etiam ut maiores gratias, & præstantiora diuinæ amicitiæ signa, in Sanctis Dei non dolosè, aut arroganter imitari, sed reuereri discant; ipsum interea [progressum b practicum, in quo spiritus noster à diuino spiritu feliciter agitur, experimentalibus contemplatoribus,] quique abundantiori gratia, vitæ sanctitate, & miraculorum dono à Deo dignati, magisterio Spiritus sancti reguntur, (eminentioribus institutis, vijs ac modis, quam à nobis dici valeat,) ruminandum relinquentes. non enim didici sapientiam, nec noui cscientiam Sanctorum. Monemus ergo

- I. *Vt nemo facile sibiipſi, vel alteri persuadeat gratiam Sanctorum.*
- II. *De sanctorum Viatorum mysticis statibus, operationibus, methodo, ac ordine.*
- III. *Quod sancti Viatores experti sint rigidas illas spiritus & anime priuationes.*
- IV. *Quod in Sanctis huius vite mystici raptus, ecstasēs, visiones, miracula, & similes gratiæ gratis datae, non imitanda; sed reuerenda sint.*
- V. *An aliqui Sanctorum in hac vita clare viderint essentiam Dei.*

ARTI-

a Cum quibus etiam utiliter legitur Ioan, à Crnc. Explan. Cant.. b Harph. l. 3 p. 4. cap. 10:
Proverb. 30.

ARTICVLVS PRIMVS.

Vt nemo facile sibi ipsi, vel alteri persuadet gratiam Sanctorum.

Gratiae [gratis datae, eminentiores
a habitu sapientiae,] & [altiores
b dono intellectus:] non tam faciles,
aut ita communiter diffusae sunt, vti
nonnulli sibi, alijsue persuadere pos-
sent, licet enim illi, qui gratia mystica
modi supernaturaliter operandi digna-
ti, ob sanctam exercitationem, & ad di-
uina assequenda contentionem iure-
merito de optima, quam elegerunt, &
consecuti sunt, parte, gaudeant; cæteri
verò illam in ipsis commendent, & re-
vereantur; non ideo tamen omnia vi-
quequaque ita tuta, aut salua sunt, quin
in maxima circumspectione quisq; salu-
tem suam cum timore, c & tremore o-
perari debeat, tum quod Lucifer in An-
gelum lucis se transformare soleat, &
bonos nonnisi sub specie boni decipe-
re, attinet; tum quod nemo [citra spe-
cialem d revelationem Dei de finali in
gratia perseverantia securus sit:] & ho-
die e in Domino stans, cras cadere pos-
sit; tum quod sèpè apud homines, gra-
tiae gratis datae, vti sunt gratia f sanitatum,
operatio virtutum, prophetia, dis-
cretio spirituum, genera linguarum, in-
terpretatio sermonum: & similes, (ad
salutem g non necessariae) maiorem
sanctitatis opinionem; quam occul-
ta illa, & efficax gratia sanctificans, cau-

sare soleat. vnde nonnulli illorum qui
sibi, alijsq; illusoræ sanctitatis famam
acquisuerunt, dicent: manducaimus
h coram te, & bibimus, & in plateis no-
stris docuisti, & in e nomine tuo pro-
phetauimus, & in nomine tuo dæmo-
nia eiecumus, & in nomine tuo virtutes
multas fecimus: & tunc confitebitur
illis, quia nunquam noui vos. & ideo de
acceptis gratijs Deo humiliter gratiae
referendæ sunt, ad altiora autem dona
se quisq; penitus indignum censere de-
bet, ni sibi ipsi, alijsue illudere gestiat.

Cæterum si quis proprias virtutes, &
gratias ab hominibus laudari, nil omni-
nō æstimet, ac illibéter se honorari per-
mittat, nec in aliquo notabili reprehendat
se cor suum; omnia quantumcunq;
grandia fuerint, in Deum, à quo omne
k datum optimum, & omne donum
perfectionum desursum descendit; ex inti-
ma cordis humilitate referendo: is se-
cure cum Beatissima Virgine MARIA;
Dominum in anima sua magnificare
poterit; licet vel Petri sanctitatem ob-
tinuisse, & umbra sua omnes languores
curaret, & cum sancta Maria Magdale-
na, septies à Sanctis Angelis ad diuinos
concentus audiendos eleuaretur: omni
timore superbiæ, aut abusus sublato.
[crescente enim charitate, l crescit &
filialis, ac castus tumor.] in quo clare vi-
det, quod omnia, quæ habet non sua;
sed Dei sint. qui vti in sanctis suis
mirabilis sit, consequenter
dicemus,

Iii 3 De

a S. Thom. 2.2. q. 45. a. 5. c. b 3 sent. d. 34. q. 1. a 2. c 1. Petr. 1 d Conc. Trid. sess 6. Can. 16.
e 1. Cor. 10. f 1. Cor. 12. g S. Thom. h Luc. 13. i Matth. 7 k Jacob. 1. l S. Thom.

De Sanctorum Viatorum mysticis statibus, operationibus, methodo, ac ordine,

ARTICVLVS SECUNDVS.

Admiranda est Sanctorum Viatorum, in mysticis exercitationibus auspicatio. aliqui enim non tantum à statu meditationis mysteriorum sanctissimæ Humanitatis Saluatoris nostri, Beatæ virginis, & cæterorum Sanctorum incepisse; sed & totam vitam in horum consideratione transfigisse videntur, & per harum profunda secreta, ylq; ad summas diuinitatis contemplationes concendisse: alij verò leguntur puriori tendentia, citò facileq; diuinæ naturæ consortium, amicitiamq; induisse, sine inferioribus statibus, & operationibus. & rectè quidem utrumque. cum enim Deo Optimo Maximo vnum idēque sit [quomodo, a quaue via, ac ratione quis procedat,] & singula secundum propriæ dispositionis normam dirigat, etiam ipsi non interest, utrum per humanitatem, vel diuinitatem, mystica quis ingrediatur, & egrediatur, & pascua inueniat: præsertim quando extraordinario modo, per gratias, & fauores singulare piam animam deducere statuit: hinc etiam non necessariò requiritur ad hoc, ut gratiam Sanctorum quis obtineat, ut sit in statu mysticæ unionis, aut Transformationis, aut ut ordinaria methodo, & sine saltu, ad illos concendat, vel etiā excedat. quia [nihil b prohibet aliquos esse perfectos, qui in statu per-

fectionis minimè sunt, & aliquos esse in statu perfectionis, qui perfeci nequam sunt.]

Et ideò Sancti Viatores, sàpè excedunt modum ordinariæ praxis; vel dum in minimis frequenter amplius Deum collaudant, & ad purissimum eius amorem tene excitant, quam alij qui in cœlo nūdum suum posuisse, & ad instar aquilæ nubes penetrasse, sibi videntur: vel dum[per c saltum] & excellentiori ordine, quam communiter de statu in statum per dona gratiæ mysticæ, & habitu sapientiæ, in amore diuino proficiunt, ita ut in ipsis[rara d & prodigiosa sit contemplatio, quam orationis exercitia (sc. consueta) non præcedunt.] ex eō verò vel maximè ordinariæ praxis operationes, (etiam modi supernaturalis) methodum, & ordinem excedunt; quod frequenter actibus infusis à Deo dignentur, & in visiones mentales, Ecstasies, & raptus diuinos, abeant: ac quādoque extraordinarijs diuinis commotionibus, aut [e quounque tandem beneficio gratiæ,] per illapsum, f vel ractum, in iubilum, vel spiritualem ebrietatem excitentur.

Vndè etiam iuremeritò eiusmodi singulare Dei amici, ductui Spiritus Sancti relinquendi sunt, qui eos absque errore, & periculo dicit, ac reducit quounque impetus Spiritus voluerit. ita ut [Sancta Maria Magdalena g in lecto veræ pœnitentiæ quietetur:

a Taul. in fest. Phirim. Martyr. b S.Th. 2.2.q.184.a.4.c. c S.Bonau.7. Itin. ater. d S.Bern. in scal. clausi. e S.Thom. 2.2.q.175 a.1.ad 2. f Eiusmodi operationum plena vide omnia in vita variorum Beatorum, & Sanctorum. g S.Bern.in Cant. & S.Bon.de 7. Itin. ater. in Prok. dist. 1.

tur: Sanctus Thomas Apostolus lumine veritatis illustretur; Princeps Apostolorum Petrus in sede fidei collocetur; Sanctus Ioannes in ardenti fornace amoris divini inflammetur; vas Electio-nis Paulus Apostolus in throno sapientiae sublimetur,] & demum Sanctus Pater noster Franciscus per sacra stigmata sui corporis, rotus in Christum Crucifixum transformetur; qui etiam electos suos per crucem ad gloriam ducit, vnde & consequenter dicitur,

Quod Sancti Viatores experti sunt rigidas illas spiritus, & anima priu-tiones.

ARTICVLVS TERTIVS.

Ad depurandum omne id, quod a anima ex labore originalis iniustitiae contraxit, tam utilis, ac necessarius est mysticæ priuationis rigor; ut ad proprij nihil cognitionem, & passionum, affectuumq; subordinatam pulchritudinem acquirendam, vix aliud quippiam tam efficax inuenire liceat. vnde etiam legimus illos a Sanctis in istiusmodi priuationibus, & carentijs, diuinæ actualis amicabilitatis, amplius excitatos fuisse, qui alios ^b in mysticis gratijs, excessisse, inueniuntur, illosque solos, ut potè magis singulares Dei amicos, decent; vnde & consequenter dicitur.

Quod in Sanctis huius vite, mystici raptus, Ecclases, visiones, miracula, & similes gratis gratis datae, non imitan-da, sed reuerenda sint.

^a Tau. Instit. ^b sup. Dec. 1. a. 8. ^c Iob. c. 1. § 2. ^d 1. p. Dec. 4. a. 2. ^e S. Aug. ser. 10. de verb. Dom. f S. Thom. 1. 2. q 28. a. 5. c.

ARTICVLVS QUARTVS.

Quod Adam & die cum venissent filij Dei, ut assisterent coram Domino, affuit inter illos etiam Satan: nec quidquam hodie tam sanctum, tamque diuinum facilè inuenias, cui non aliqua Dæmonis fraus in sceleratis hominibus adstare velit. hinc videoas quosdam viros, frequentius autem iuuenes, & annosas mulierculas, naturæ, & Satanæ dolis astutas, in ecclases, & raptus abire, visiones, seu potius malitiosas spiritus compositiones aspicere; & mira quædā peragere; quo vel apud homines sanctitatis opinionem vententur, vel veris Sanctorum miraculis, & mysticis gratijs, malignanter illudant. quibus, cum dæmonijs confortibus suis illisq; reiectis, mysticos signanter incipientes, & proficientes commonemus; ne unquam quantumcunq; in mystica gratia profecisse videantur, sibi ad imitationē statuant Sanctorum raptus, Ecclases, visiones, miracula, aliasue similes gratias; dicente Domino, discite à me quia mitis sum, & humilis corde: discite, inquam, à me non mundum fabricare, non cuncta visibilia, & inuisibilia creature, non in ipso mundo mirabilia facere, & mortuos resuscitare, sed quoniam mitis sum, & humilis corde.]

Et licet in Sacrarissimo Saluatore Dominō nostro, eiusq; Gloriosissima Virgine MARIA, nullū raptum, vel Ecclasis ponamus; eo quod, loquendo generaliter ^f propter excessum immutatiōnis

tionis corporalis, omnis amor læsius dici possit,] in raptu autem , vel Ecstasi, maior sit immutatio, & læsio, & quædā ad sacratissimas illas personas indignitas; nihilominus tamen quia mystici , & veri raptus, & Ecstases, superexcellentissimi diuini amoris, atque amicitiæ præclaras sunt signa , ideo ab omnibus iuremeritò piè veneranda sunt.

Est autem (vt vel modicum de his dicamus) verus, diuinus, & mysticus [raptus , eleuatio hominis à spiritu diuino & ad aliqua supernaturalia videnda , cū violentia quædā , & abstractione à sensibus.] [Ecstasis vero est , eleuatio hominis à spiritu diuino ad aliqua supernaturalia videnda, per simplicem b excessum à seipso; secundum quem aliquis extra suam ordinationem ponitur, absque violentia.] de visionibus porrò, revelationibus, & locutionibus veris , & falsis, malis, & bonis, præ cæteris mysticis prolixè , & ad praxin utiliter tractat Ioannes à Cruce. c miracula d autem sunt, quando Deus per orationem , aut merita alicuius Sancti facit aliqua opera, quæ ordinem, & virtutem naturæ excedunt : siue hoc fiat circa substantias separatas, siue creaturas rationales , siue irrationalies. Cæterum ne potius fragmenta quædam , quam singula, quæ de mysticorum operationibus præstantioribus, tum internis, tum externis, in sanctorum vitis continentur , ad teramus; hoc loco sectatorem bonorum operū,

tanquam apem argumentosam ad eas legendas, & venerandas, remittimus; & consequenter ac finaliter quærimus,

An aliqui Sanctorum in hac vita clare viderint Essentiam Dei.

ARTICVLVS QVINTVS.

Maneat apud Sacros Doctores eiusmodi visionis assertio; hoc tantum dixisse sufficiat , mysticis valde eminens, & quod [vix fcredimus] dictū videri; hominem in hac vita, vel in actu transeunte , clare ipsam Dei Essentiam vidisse. quantò enim amplius profunda Dei, & scrutantur, & degustant; tanto minus decens esse , ipsis videtur, vt qui à gratia Dei per peccatum separati potest, aut dum peregrinatur à Domino , etiam iustus in die g septies cadit: beatorum gloria , vel ad momentum perfruatur. Cæterum cum Beatissima Virgo MARIA, nunquam , vel minimâ peccati labie infecta fuerit, videretur piè loquendo , non minus , si non magis (illi) quam alteri alicui Sanctorum Viatorum, istiusmodi clara visio in hac vita concedenda. & quidem hisce paucis contenti, ad statum claræ visionis transamus ; de quo etiam pauciora dicemus, cum , quantò magis ad supra pertingimus , tantò minus inueniamus verba per quæ dicamus , cum talia sint, quæ non liceat homini loqui; sed

rum maximè Deo debeatur
laus, & silentium.

STA-

a ut colligitur ex S.Th.2.z.q.175. b ibid c Ascens Mont Carm 1.2 per totum & Thom. à IESV dediu. era. l 2.c.10. d ut colligitur ex S.Th.3.p q.44. & 45. e S.Th.1.p.q.12.a.11. & 22. q.175a.3.ad 1. f Thom. à IESV de Cont.l s.c.14. g Prou.24.